

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 7/10), a u vezi sa članovima 41. i 45. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za privredu, Vlada Zeničko-dobojskog kantona na 94. sjednici, održanoj 26.04.2017. godine, donosi

ZAKLJUČAK
O USVAJANJU PROGRAMA UTROŠKA BUDŽETSKIH SREDSTVA U 2017. GODINI
(Ulaganja u tuđa stalna sredstva)

I.

Usvaja se Program utroška budžetskih sredstava u 2017. godini (Ulaganja u tuđa stalna sredstva) Ministarstva za privredu Zeničko-dobojskog kantona, u iznosu od 400.000,00KM (slovima: četiristotinehiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona („Službene novine Zeničko-dobojskog kantona“, broj: 15/16) u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

Broj: 02-_____/17.
Datum, 26.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Ministarstvo finansija,
1x a/a.



PROGRAM
UTROŠKA BUDŽETSKIH SREDSTAVA U 2017. GODINI
(Ulaganja u tuđa stalna sredstva)

Zenica, februar 2017. godine

PROGRAM
UTROŠKA BUDŽETSKIH SREDSTAVA U 2017. GODINI
(Ulaganja u tuđa stalna sredstva)

I. UVOD

Pravni osnov za donošenje Programa utroška budžetskih sredstava u 2017. godini – **Ulaganja u tuđa stalna sredstva** nalazi se u članu 29., stav 2. i članu 45. Zakona o izvršavanju budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16).

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

II. IZVOR FINANSIRANJA

Budžetom Zeničko-dobojskog kantona za 2017. godinu, („Službene novine Zeničko-dobojskog kantona“, broj: 15/16), utvrđena su finansijska sredstva, ekonomski kod 614500 – **Ulaganja u tuđa stalna sredstva** u iznosu od **400.000,00 KM**. Ova sredstva su izdvojena iz prihoda od koncesionih naknada

III. ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, Ministarstvo za privredu je planiralo utrošak utvrđenih sredstava, na sljedeći način:

1. FINANSIRANJE TROŠKOVA ENERGETSKE EFIKASNOSTI JAVNIH GRAĐEVINSKIH OBJEKATA - ŠKOLA

Iznos : 400.000,00 KM

Svrha:

Ovim programom finansira se dio troškova za povećanje energetske efikasnosti javnih građevinskih objekata - škola.

U Budžetu su sredstva obezbjeđena pod ekonomskim kodom 614 100-Tekući transferi drugim nivoima vlasti, odnosno subanalitika IAD002-Realizacija projekata Vlade koje se finansiraju iz prihoda od koncesija, u iznosu od 80.000,00 KM, te iz prihoda od koncesija pod ekonomskim kodom 821500-Ostala osnivačka ulaganja, odnosno funkcionalna klasifikacija **0490-Ulaganja u tuđa stalna sredstva, u iznosu od 400.000,00 KM**.

Realizacija poticaja u iznosu od 400.000,00 KM će se odvijati prema članu 1. stav 2. Odluke Vlade Kantona o odobravanju finansijskih sredstava namijenjenih subvencioniranju troškova energetske efikasnosti javnih građevinskih objekata (škola) na području Zeničko-dobojskog kantona, broj: 02-14-15342/16 od 01.09.2016. godine, te po Protokolu o realizaciji pomenute odluke, broj: 04-14-17270/16 od 31.10.2016. godine, koji je potpisan sa pet direktora škola izabраниh po Javnom pozivu.

Realizacija poticaja u iznosu od 80.000,00 KM će se obavljati prema članu 1. stav 1. i stav 3. iste Odluke Vlade Kantona.

Sredstva će se isplatiti na žiro - račun Izvođača radova (audita, utopljanja i certifikacije objekata) nakon dostavljenog urednog zahtjeva, na način utvrđen u Uputstvom o postupku i kriterijima, Javnim pozivom, Odlukom Vlade Kantona i Protokolom o realizaciji Odluke Vlade Kantona.

Organizacija – primalac: Izvođač radova utopljanja škola

Kriterij: Uputstvo o postupku i kriterijima, Javni poziv, Odluka Vlade Kantona, Protokol

REKAPITULACIJA

Rb.	NAZIV PROGRAMA	Iznos sredstava KM
1.	FINANSIRANJE TROŠKOVA ENERGETSKE EFIKASNOSTI JAVNIH GRAĐEVINSKIH OBJEKATA - ŠKOLA	400.000,00
UKUPNO:		400.000,00

Dakle, Ministarstvo je planiralo realizaciju više projekata poticaja u 2017. godini. Njihov karakter je specifičan, a osnovna njihova karakteristika je refundacija sredstava nakon realizacije poticajnih projekata.

Broj: 02- /17.
Datum, 26.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za privredu,
1x Ministarstvo finansija,
1x a/a.